

〔清〕李延是 輯著

脈訣彙辨

中國醫學大成續集

脈訣彙辨提要

清、趙郡李期叔著。清康熙時人。彙集古今之論脈書七十餘種。參以家學。歷經門人輩請求釐剔成編。區爲十卷。名曰脈訣彙辨。其所采取之李士材正眼二十八脈。均經細加校閱。並附有李先生晚年未盡之秘。故卷帙倍之。后先生客海虞時。又得繆慕臺先生遺稿。並周梅屋先生之獨得編。朝夕研窮。對於脈理造詣更深。參以張景岳類經。遂洞若觀火。嗣讀叔和脈經。深以初學苦難入門爲慮。乃仿宋崔嘉彥四言脈訣。提其綱領。以便記誦。故先生作是書。雖爲集群書之大成。正是補前人之所未備。而正往者之訛錯。其所引用諸書。皆標出處。極便考證。

脉訣彙辨

自敘

趙郡李延是撰

余浪游者三十年。託刀圭以餬口。而無以辭負笈者。顧其中胡能不自媿也。所慨俗醫稱津筏者。則先難經。脉訣。難經。出自秦越人。其純駁固未易論。尤恠脉者。所以定吉凶。決死生。至

淵微也。苟阡陌之不存，又何有於源委？宋之高陽生，一妄庸人，假晉太醫令王叔和之名，著成脉訣，其鄙俚紕繆，取資捧腹，而陰操入室之戈。於是先聖之旨，一旦晦蝕，世之裒然傳業，承訛襲舛，不復有所取裁。譬渴者飲於濁涇之流，呶呶而號於衆曰：「天下

之水味在是。豈其然乎。余不敏。思有以拯之。乃彙古今之論脉者若干人。參以家學。片言隻字。有當先聖而結妄庸之舌。則拈之紙。星霜十易。積成徑寸。門人輩請釐剔成編。乃區爲十卷。名曰脉訣彙辨。命收之敝簏。客曰。固矣哉。子也。凡書之有作。不藏諸名。

山。必傳之通邑大都。將以救斯世。詔來者。君之所結集。何難羽翼經傳而馳海內。僅僅衣鉢於及門。似乎靳於問世者何居。余起而謝曰。足下之沾沾於吾者。不虞人之眊眊耶。余嘗皈依古先生。竊聞其教矣。錯下一轉語。墮野狐身五百世。使余所綴集果醒。

酬也。往乞一玄晏而懸之國門。誰曰不宜。或猶未也。淹博者笑其摭拾。通達者笑其割裂。抱匱守殘之徒。更笑其迂而無當。將見習高陽生之言者。不必樹旗鼓而實偪處。此卽以一丸泥自封。余復奈之何哉。雖然。謹聞命矣。姑付之剗劂氏。以就正長者。徐俟。

大國之賦。左提右挈。廓清邪說。願以
是編爲前驅之矢。

敘

天人之道一也。天有五運六氣。以成四時。人之府俞經絡實因之。聖人者。人而天者也。以天道治一身而性命各正。以天道治天下而民物仁壽。古之聖人。不

爲君則爲相。五帝三王。風牧稷
尙臯繇伊尹巫咸太公周召畢
散之徒。皆以治身者治世。燮和
陰陽。祛除患害。以還天地之雍
熙。故自古無不壽之聖人。聖人
而不爲君與相者。自孔子始。聖

人而不登上壽者。亦自孔子始。
宓犧。神農。黃帝。不欲其道。僅傳
于一時。而發明之于靈素諸書。
以傳萬世。孔子既不得爲君。且
相焉。以治一世。又不忍若容成
偃佺。鼓聃。莊列之徒。僅以其道

私之于身。既悲閔憂勞。轍環
敝敝以傷其生而勤勤焉。刪述
筆削詩書。以傳萬世。不徒欲壽
萬世之人之身。而欲救萬世之
人之心。使不徒生而虛死。則醫
藥之道。直視爲小數。周公列之

庶官之末。孔孟亦等之巫匠之流。聖人不貴也。非聖人之不貴。亦謂所欲有甚于生。所惡有甚于死。則治心又急于治身也。世雖不古。而生民之道不可絕于是。和扁之徒。發明黃帝之旨。俾

無絕于世。而長沙。河間。東垣。丹溪四氏。得引申觸類而長之。著書立言以傳述來茲。天下謂之四聖。四氏者。不居聖人之名。而能心聖人之心。以救民物者也。先賢謂。不爲良相。則爲良醫。四

氏之徒。勞于撰述而不已者。以爲湯液劑鍛之功在一時。不若筆之于書。爲功萬世之大也。近世言軒岐之言者。徧海內能盡其道者。曠世而少一遇也。雲間李念菽先生。固近代之和扁也。

期叔李子。瓌才偉器。思有所爲。
以立效于時。旣不得志。益研窮
其家學。精妙入神。出而應物。徃
徃竒效。沉痾之疾。諸家罔措。期
叔按指望色而知之。忽焉起死
人而肉白骨。名滿南北。而期叔